

Na osnovu člana 5. stav (1) tačka h) i člana 19. stav (1) tačka c) Zakona o Agenciji za bankarstvo Federacije Bosne i Hercegovine ("Službene novine Federacije BiH", broj: 75/17), člana 12. stav (1) tačka d) Statuta Agencije za bankarstvo Federacije Bosne i Hercegovine ("Službene novine Federacije BiH", broj: 03/18) i čl. 27., 28., 80., 81. i 95. Zakona o bankama ("Službene novine Federacije BiH", broj: 27/17), Upravni odbor Agencije za bankarstvo Federacije Bosne i Hercegovine, na sjednici održanoj 10.07.2019. godine donosi

O D L U K U O IZMJENAMA I DOPUNAMA ODLUKE O IZRAČUNAVANJU KAPITALA BANKE

Član 1.

- (1) U Odluci o izračunavanju kapitala banke ("Službene novine Federacije BiH", broj: 81/17) član 2. stav (1) tačka b) mijenja se i glasi:
 - “b) **Akumulirana ostala sveobuhvatna dobit** - ima isto značenje kao i u međunarodnim računovodstvenim standardima, isključujući revalorizacije rezerve po osnovu nekretnina, postrojenja, opreme i nematerijalne imovine, a prilikom izračunavanja regulatornog kapitala iskazuje se jednako kao u finansijskim izvještajima banke, umanjeno za povezane porezne efekte.”.
- (2) U stavu (1) tačka cc) iza riječi “**Neovisni procjenitelj**” dodaju se riječi “**(interni ili eksterni)**”:
- (3) Stav (1) tačka ll) mijenja se i glasi:
 - “ll) **Izloženosti u statusu neizmirenja obaveza** - izloženosti za koje je ispunjen jedan ili oba od sljedećih uslova:
 - 1) dužnik kasni sa otplatom dospjelih obaveza prema banci duže od 90 dana u materijalno značajnom iznosu. Pod materijalno značajnim iznosom podrazumijevaju se ukupna dospjela potraživanja od:
 - fizičkog lica u iznosu većem od 200 KM i 1% ukupne bilansne izloženosti dužnika,
 - pravnog lica u iznosu većem od 1.000 KM i 1% ukupne bilansne izloženosti dužnika;
 - 2) banka smatra izvjesnim da dužnik neće u potpunosti izmiriti svoje obaveze prema banci, njenom matičnom društvu ili bilo kojem od njenih zavisnih društava pravnog lica ne uzimajući u obzir mogućnost naplate iz kolaterala (engl. Unlikelihood to pay – UTP).Banka utvrđuje status neizmirenja obaveza za pravna lica na nivou ukupnih potraživanja od tog lica. Izuzetno, u slučaju izloženosti prema fizičkim licima, banka može utvrđivati status neizmirenja obaveza na nivou pojedinačne izloženosti, a ne na nivou ukupnih potraživanja banke od tog lica. Pri tome, ukoliko bruto knjigovodstvena vrijednost izloženosti prema fizičkom licu u statusu neizmirenja obaveza prelazi 20% ukupne bruto knjigovodstvene vrijednosti izloženosti prema tom fizičkom licu, smatra se da je nastupio status neizmirenja obaveza po svim izloženostima prema tom licu.“
- (4) Stav (1) tačka oo) mijenja se i glasi:

„oo) **Ispravka vrijednosti za kreditni rizik** – iznos knjigovodstveno evidentiranih očekivanih kreditnih gubitaka“.
- (5) U stavu (1) tačka pp), riječ „rizika“ zamjenjuje se riječju „rejtinga“.

Član 2.

- (1) U članu 7. stav (1) tačka j) riječ “nesolventnosti” zamjenjuje se riječju “stečaja”.
- (2) U stavu (1) tačka m) riječ “nesolventnosti” zamjenjuje se riječju “stečaja”.

Član 3.

U članu 9. stav (1) iza tačke l), dodaje se nova tačka m) koja glasi:

- „m) iznos izloženosti koji proizlazi iz poslova sekjuritizacije. Ukoliko banka odluči da ovu stavku ne prikaže kao odbitnu stavku od kapitala, dužna je toj izloženosti dodijeliti ponder rizika 1250%“.

Član 4.

U članu 11. stav (6) tačka a) riječ “nesolventnosti” zamjenjuje se riječju “stečaja”.

Član 5.

- (1) U članu 16. stav (2) tačka d) riječ “nesolventnosti” zamjenjuje se riječju “stečaja”.
- (2) U stavu (2) tačka f) riječ “nesolventnosti” zamjenjuje se riječju “stečaja”.

Član 6.

U članu 17. stav (1) tačka d) alineja 1) riječ “nesolventnosti” zamjenjuje se riječju “stečaja”.

Član 7.

- (1) U članu 22. stav (2) tačka j) riječi “tačke g) ovog stava” zamjenjuju se riječima “člana 30. stav (3) ove odluke”.
- (2) U stavu (2) tačka l) riječ “nesolventnosti” zamjenjuje se riječju “stečaja”.

Član 8.

U članu 30. stav (3) riječi “ako su ispunjena oba sljedeća uslova:“ zamjenjuju se riječima „ako je pored uslova iz stava (1) ovog člana, ispunjen i jedan od sljedećih uslova:“.

Član 9.

- (1) Član 34. stav (5) briše se.
- (2) Dosadašnji stav (6) postaje stav (5).

Član 10.

U članu 39. stav (2) riječ „ukupnog“ zamjenjuje se riječju „regulatornog“.

Član 11.

U članu 40. stav (9) riječi „iz stava (1)“ zamjenjuje se riječima „iz stava (7)“.

Član 12.

U članu 43. stav (2) iza riječi „FBiH“ dodaju se riječi “i RS“.

Član 13.

Član 44. stav (1) mijenjaju se prva i druga rečenica i glase:

“Vrijednost izloženosti stavki imovine čini njena knjigovodstvena vrijednost preostala nakon umanjenja za ispravke vrijednosti, dodatnih vrijednosnih usklađenja u skladu sa članom 5. stav (3) ove odluke i ostalih smanjenja regulatornog kapitala povezanih sa stavkom imovine. Vrijednost

izloženosti vanbilansnih stavki, navedenih u Prilogu I ove odluke, čini njena knjigovodstvena vrijednost nakon umanjenja za rezervisanje za pokriće očekivanih kreditnih gubitaka za vanbilansne izloženosti, pomnožena sljedećim faktorima konverzije:”

Član 14.

U članu 49. stav (1) riječi „kreditnog rizika“ zamjenjuju se riječima „kreditnog rejtinga“.

Član 15.

Član 50. stav (6) mijenja se i glasi:

„(6) Za izloženosti navedene u prethodnom stavu, izuzev izloženosti prema Centralnoj vladi BiH i CBBiH u eurima ili sa valutnom klauzulom u eurima, banka će izračunati iznos izloženosti ponderisanih rizikom na sljedeći način:

- a) u 2019. godini 50% pondera rizika koji se tim izloženostima dodjeljuje u skladu sa stavom (2) ovog člana;
- b) u 2020. godini i nadalje 100% pondera rizika koji se tim izloženostima dodjeljuje u skladu sa stavom (2) ovog člana.

Za izloženosti prema Centralnoj vladi BiH i CBBiH u eurima ili sa valutnom klauzulom u eurima primjenjuje se ponder rizika 0% za vrijeme trajanja valutnog odbora u BiH.“

Član 16.

U članu 52. iza stava (5) se dodaje novi stav (6) koji glasi:

„(6) U iznimnim slučajevima, izloženosti prema subjektima javnog sektora mogu se tretirati kao izloženosti prema centralnim vladama ili regionalnim vladama i lokalnim vlastima zbog postojanja zakonske obaveze centralne vlade, regionalne vlade ili lokalne vlasti za izmirenje svih obaveza tog subjekta“.

Član 17.

Član 59. stav (3) mijenja se i glasi:

„(3) Izloženosti koje ne ispunjavaju kriterije iz stava (1) tačkaka od a) do c) ovog člana, kao ni uslove za raspoređivanje u druge kategorije izloženosti u skladu sa stablom odlučivanja, raspoređuju se u:

- a) kategoriju izloženosti prema stanovništvu, ukoliko se radi o fizičkim licima, te se istima dodjeljuje ponder rizika 100%,
- b) kategoriju izloženosti prema privrednim društvima, ukoliko se radi o malim i srednjim privrednim društvima, te se istima dodjeljuje ponder rizika 100%.“

Član 18.

(1) U član 60. stav (2) mijenja se i glasi:

„(2) Dio izloženosti koji se tretira kao u potpunosti osiguran nekretninom može iznositi najviše 80% tržišne vrijednosti stambene nekretnine, odnosno 60% tržišne vrijednosti poslovne nekretnine, a dijelu izloženosti koji prelazi iznos od 80% tržišne vrijednosti stambene nekretnine ili 60% tržišne vrijednosti poslovne nekretnine dodjeljuje se ponder rizika koji se primjenjuje na neosigurane izloženosti te druge ugovorne strane.“

(2) Stav (6) mijenja se i glasi:

„(6) Izloženosti kojoj bi se u skladu sa drugim odredbama ove odluke dodijelio povoljniji ponder rizika od pondera dodijeljenog za izloženosti osigurane nekretninama, dodjeljuje se povoljniji ponder rizika.“

Član 19.

- (1) Član 61. stav (1) tačka a) riječ “osiguranog” zamjenjuje se riječju “neosiguranog”.
- (2) Član 61. stavovi od (3) do (6) zamjenjuju se sa novim stavovima od (3) do (8) koji glase:
- “(3) Smatra se da je nastupio status neizmirenja obaveza kada je ispunjen jedan ili oba uslova iz člana 2. stav (1) tačke II), odnosno kada:
 - a) dužnik kasni sa otplatom dospjelih obaveza prema banci duže od 90 dana u materijalno značajnom iznosu, osim u slučaju da banka dokaže da je kašnjenje nastalo zbog tehničke greške,
 - b) banka smatra izvjesnim da dužnik neće u potpunosti izmiriti svoje obaveze prema banci, njenom matičnom društvu ili bilo kojem od njenih zavisnih društava pravnog lica ne uzimajući u obzir mogućnost naplate iz kolaterala.
- (4) Pod materijalno značajnim iznosom iz stava (3) tačka a) ovog člana podrazumijeva se materijalno značajan iznos kako je definiran članom 2 stav (1) tačka II) ove odluke.
- (5) Za potrebe stava (3) tačka a) ovog člana, brojač dana kašnjenja uključuje se na datum kada ukupna dospjela potraživanja od tog dužnika pređu materijalno značajan iznos iz stava (4) ovog člana, a isključuje kada se ukupna potraživanja spuste ispod tog nivoa.
Pri tome, brojanje dana kašnjenja za:
 - a) prekoračenja po računu počinje sa danom kada dužnik prekorači odobreni limit, kada izvrši isplatu sredstava sa transakcijskog računa bez pokrića ili kada mu je odobreni limit smanjen i niži je od trenutno iskorištenog iznosa, a njihov je iznos materijalno značajan u skladu sa stavom (4) ovog člana. Pri tome, odobreni limit je svaki kreditni limit koji je banka odredila i o kojem je obavijestila dužnika.
 - b) izloženosti po kreditnim karticama počinje sa danom na koji dospijeva obaveza plaćanja minimalnog dijela.
- (6) Banka je dužna imati dokumentovane politike u vezi sa brojanjem dana kašnjenja, posebno s obzirom na produženje roka za ispunjenje obaveze, obnavljanje izloženosti i slično. Te se politike moraju dosljedno primjenjivati tokom vremena i biti u skladu sa uspostavljenim sistemom za upravljanje rizicima.
- (7) Kašnjenje nastalo zbog tehničke greške iz stava (3) tačka a) ovog člana, te uslovi kada se smatra izvjesnim da dužnik neće u potpunosti izmiriti svoje obaveze prema banci iz stava (3) tačka b) ovog člana imaju isto značenje kao u Odluci o upravljanju kreditnim rizikom i utvrđivanju očekivanih kreditnih gubitaka.
- (8) Smatra se da je prestao uslov za raspoređivanje izloženosti u kategoriju izloženosti u statusu neizmirenja obaveza samo kada su ispunjeni svi uslovi za reklasifikaciju izloženosti iz nivoa kreditnog rizika 3 u niže nivoe kreditnog rizika definirane Odlukom o upravljanju kreditnim rizikom i utvrđivanju očekivanih kreditnih gubitaka.”.

Član 20.

Član 87. stav (6) mijenja se prva rečenica i glasi:

“Za ostale transakcije koje nisu navedene u st. (4) i (5) ovog člana banka može primijeniti ponder rizika 0% ako su izloženost i kolateral nominirani u istoj valuti ili kada je valuta izloženosti i kolaterala u KM i euro ili obrnuto, a za vrijeme trajanja valutnog odbora u BiH, te ako je ispunjen bilo koji od sljedećih uslova:”

Član 21.

U članu 89. iza stava (6) dodaje se novi stav (7) koji glasi:

„(7) U slučaju kada postoji valutna neusklađenost između izloženosti i depozita koji služi za osiguranje izloženosti, banka primjenjuje korektivni faktor iz Tabele 16. ovog člana, osim što se za vrijeme trajanja valutnog odbora u BiH primjenjuje korektivni faktor 0% kada je valuta izloženosti i depozita konvertibilna marka i euro ili obrnuto.“

Član 22.

U članu 94. stav (2) mijenja se zadnja rečenica i glasi:

„Ako ne postoji valutna neusklađenost, „Hfx“ je jednak nuli, a za vrijeme trajanja valutnog odbora u BiH primjenjuje se vrijednost nula i u slučajevima kada je valuta izloženosti i nematerijalne kreditne zaštite KM i euro ili obrnuto.“

Član 23.

(1) Član 105. stav (2) tačka a) mijenja se i glasi:

„a) troškove ispravki vrijednosti i rezervisanja za pokriće očekivanih kreditnih gubitaka za vanbilansne stavke, kao ni prihode po osnovu smanjenja istih, te operativne troškove poslovanja,“

(2) Stav (3) mijenja se i glasi:

„(3) Izuzetno, banka prilikom izračunavanja relevantnog pokazatelja uključuje troškove naknada za plaćene eksternalizovane usluge koje su pružile treće strane koje nisu matično društvo banke, podređeno društvo banke ili podređeno društvo matičnog društva.“

Član 24.

Prilog IV - Spisak trećih zemalja u kojima se primjenjuju regulatorni i supervizorski zahtjevi ekvivalentni zahtjevima koji se primjenjuju u Evropskoj uniji mijenja se tekst ispod naslova i glasi:

“Regulatorni i supervizorski zahtjevi za banke (vezano za član 43., 50. i 52. ove odluke)

- (1) Argentina
- (2) Australia
- (3) Brazil
- (4) Canada
- (5) China
- (6) Faroe Islands
- (7) Greenland
- (8) Guernsey
- (9) Hong Kong
- (10) India
- (11) Isle of Man
- (12) Japan
- (13) Jersey
- (14) Mexico
- (15) Monaco
- (16) New Zealand
- (17) Saudi Arabia
- (18) Singapore
- (19) South Africa
- (20) Switzerland
- (21) Turkey
- (22) USA

Regulatorni i supervizorski zahtjevi za investicijska društva (vezano za član 43. ove odluke)

- (1) Australia
- (2) Brazil
- (3) Canada
- (4) China
- (5) Hong Kong
- (6) Indonesia
- (7) Japan
- (8) Mexico
- (9) South Korea
- (10) Saudi Arabia
- (11) Singapore
- (12) South Africa
- (13) USA

Izvor: <https://eur-lex.europa.eu/legal-content/EN/TXT/?qid=1559203716722&uri=CELEX:32019D0536>

NAPOMENA: S obzirom da je gore navedeni spisak podložan izmjenama Evropske komisije, banka će koristiti ažurirani spisak trećih zemalja koje objavljuje Evropska komisija, kao relevantni izvor za preuzimanje ažurnih podataka.”.

Član 25.

- (1) Ova odluka stupa na snagu osmog dana po objavljivanju u „Službenim novinama Federacije BiH“.
- (2) Odredbe čl. 1. stav (3), 9., 13. i 19. ove odluke se primjenjuju od 01.01.2020. godine.

Broj: U.O.-35-1/19
Sarajevo, 10.07.2019. godine

PREDSJEDNICA
UPRAVNOG ODBORA

mr.sc. Ljerka Marić, dipl.ecc, s.r.